



**ODLUKA O REZULTATIMA OKONČANOG POSTUPKA JAVNE NABAVKE I
IZBORU NAJPOVOLJNIJEG PONUĐAČA**

Strana:
1 od 2

Broj: 0602-03- 1675/16
Sarajevo, 03-06-2016 .godine

Na osnovu člana 64. stav (1), člana 70. stav (1), (3) i (6) Zakona o javnim nabavkama Bosne i Hercegovine (Službeni glasnik br. 39/14), člana 38. Statuta KJKP Sarajevogas d.o.o., Sarajevo, Rješenja Ureda za razmatranje žalbi broj JN2-03-07-1-436-6/16 od 25.05.2016. godine, a na prijedlog Komisije za nabavke (u daljem tekstu Komisija), Direktor preduzeća donosi:

ODLUKU

o rezultatima okončanog postupka javne nabavke i izboru najpovoljnijeg ponuđača

I

Na konkurentski zahtjev broj KN-05-18/16 od 23.03.2016. godine za **javnu nabavku usluga obezbjeđenja prijenosa novca sa blagajni do banke** oglašenu pod brojem 17-7-2-54-3-17/16 od 23.03.2016. godine, prijavili su se slijedeći ponuđači:

1. **Agencija Securitas d.o.o.**, Bačići 15, 71000 Sarajevo,
2. **Sword security d.o.o.**, Alipašina 83, 71000 Sarajevo,
3. **Gama AA d.o.o.**, Bulevar Meše Selimovića br. 16, 71000 Sarajevo.

II

Sva tri (3) ponuđača su dostavili sve zahtjevane dokaze za kvalifikaciju, a u postupku ocjene ponuda odbačene su ponude **Agencije Securitas d.o.o.** i **Sword security d.o.o.** kako slijedi:

Ponuda ponuđača Agencija Securitas d.o.o., Bačići 15, 71000 Sarajevo, je odbačena kao neispravna, jer je njena cijena neprirodno niska u odnosu na cijene ostalih ponuđača. Ugovorni organ je u skladu sa odredbama člana 66. stav (2) ZJN, svojim dopisom broj 0602-03-924/16 od 06.04.2016. godine, zatražio obrazloženje ponuđene cijene. Ponuđač Agencija Securitas d.o.o. je dostavio svoj dopis broj 1694/2016 od 11.04.2016. godine u kojemu je naveo da je „ ... prilikom popunjavanja Obrasca za cijenu usluga napravio previd na način da je stupac „količina“ protumačio kao paušal za mjesečni transport po jednoj relaciji, a u stupac „jedinična cijena“ upisao cijenu po jednom transportu novca (7 KM), tako da je u stupac „ukupna cijena bez PDV-a“ greškom upisao paušal za jedan mjesec – 168 KM, a trebao je upisati cijenu koja je proizvod mjesečnog paušala x 24 mjeseca....“

Tako je zapravo ponuđač ponudio pogrešnu jediničnu i ukupnu cijenu predmetnih usluga. Obzirom da je ponuđač Agencija Securitas d.o.o. ponudio pogrešnu jediničnu i ukupnu cijenu u Obrascu za cijenu ponude (Anex IV), ukupnu cijenu u Obrascu za ponudu (Anex II) i u Nacrtu okvirnog sporazuma (Anex VI), a posebno imajući u vidu odredbe člana 89. stav (2) ZJN njegova ponuda je, na osnovu člana 66. stav (1) ZJN odbačena kao neispravna.

Ponuda ponuđača Sword security d.o.o., Alipašina 83, 71000 Sarajevo, je odbačena kao nepotpuna jer ne sadrži original ili ovjerenu fotokopiju odobrenja Federalnog MUP-a za blindirana vozila i spremnik koja će vršiti prijevoz i prijenos novca kako je definisano u Uredbi o načinu i postupku provođenja mjera zaštite i vršenja prijevoza i prijenosa gotovog novca, vrijednosnih papira i dragocjenosti (Službene novine FBiH broj 76/15, član 36.) a što je bilo traženo tačkom g) poglavlja Podaci o ponudi Konkurentskog zahtjeva broj KN-05-18/16 od 21.03.2016.

Također, ponuđač Sword Security d.o.o. nije dostavio ni odgovarajuću policu osiguranja kojom se vrši osiguranje novca u transportu kako je traženo tačkom i) poglavlja Podaci o ponudi Konkurentskog zahtjeva broj KN-05-18/16 od 21.03.2016. i pojašnjenjem tenderske dokumentacije od 31.03.2016. godine, nego je dostavio Izjavu da ...za ispunjavanje uslova iz stavke Podaci o ponudi tačka 1. i) dostavlja certifikat za osiguranje novca u transportu...



**ODLUKA O REZULTATIMA OKONČANOG POSTUPKA JAVNE NABAVKE I
IZBORU NAJPOVOLJNIJEG PONUĐAČA**

Strana:
2 od 2

III

Nakon razmatranja ponuda koje ispunjavaju sve uslove iz konkurentskog zahtjeva ocijenjeno je da je najuspješniji ponuđač **Gama AA d.o.o.**, Bulevar Meše Selimovića br. 16, 71000 Sarajevo.

IV

Ponuđač iz tačke III ove odluke je u postupku ocjenjivanja od strane Komisije ocijenjen kao najuspješniji, jer je osvojio najveći broj bodova – 100, te će mu po tom osnovu biti ponuđeno potpisivanje okvirnog sporazuma u trajanju od dvije godine. Vrijednost ponude je **19.200,00 KM** bez PDV-a, odnosno **22.464,00 KM** sa PDV-om.

V

Ova Odluka stupa na snagu danom donošenja. Odluka će, shodno odredbama člana 70. stav (6) Zakona o javnim nabavkama, biti objavljena na web stranici Preduzeća - www.sarajevogas.ba istovremeno sa upućivanjem ponuđačima koji su učestvovali u postupku javne nabavke.

Pravna pouka:

Shodno odredbama čl. 101. Zakona o javnim nabavkama BiH (Službeni glasnik BiH br. 39/14) protiv ove odluke svaki od ponuđača koji nije izabran ima pravo da podnese žalbu u roku od pet (5) dana od dana prijema ove odluke.

Žalba se u pisanoj formi podnosi KJKP Sarajevogas d.o.o. Sarajevo kao prvostepenoj instanci u žalbenom postupku.



Direktor Preduzeća
Mr.sc. Nihada Glamoč, dipl.ing.maš.

Prilog:

1. Zapisnik sa pregleda i ocjenjivanja ponuda broj ZP-OJ06-KN-05-18/16-02

Dostaviti:

1. Svim ponuđačima,
2. Sektor Ekonomike,
3. Predsjednik Komisije,
4. a/a.